

SILLABUS

Sillabus (lat. Syllabus Errorum — ro'yxat, katalog degan ma'noni anglatadi). Sillabus-so'zi ko'p ma'noli bo'lib, uni katalog degan ma'noda ham ishlatiladi. Bugungi kunda ta'lim tizimida sillabus o'qitilayotgan kursning qisqartirilgan modelini, fanning annotatsiyasini namoyon qiladi.

Sillabus odatada o'qituvchi tomonidan ishlab chiqilib, pedagog talabaga o'z fanini o'qitishni boshlashdan oldin taqdim etishi lozim. Bu talabani oldindan fanni o'zlashtirishga qo'yilayotgan talablar hamda o'qituvchi bilan o'zaro hamkorlikdagi faoliyatini tashkil etishga tayyorlashni ta'minlaydi.

Sillabus-o'quv dasturning bir ko'rinishi bo'lib, kredit sistemasida keng qo'llaniladi. Sillabus namunaviy va ishchi o'quv dasturlari asosida ishlab chiqilib, unda tizimli yondashuv asosida ta'lim oluvchining rivojlantirish modeliga ahamiyat berish lozim. YA'ni ta'lim oluvchi ushbu fanni o'rganish uchun qanday bilimlarga ega bo'lishi, qanday ko'nikma va malakalarni egallashi lozim hamda fanni o'rganib bo'lgandan so'ng qanday bilimlarga ega bo'ladi va qanday ko'nikma hamda malakalarni o'zida shakllantiradi, ular kelajakda qaysi fanlarni egallashiga asos bo'ladi.

Sillabusning tuzilishi:

1. Fanning qisqacha tavsifi.

Fanning (modul) nomi, kurs, shifr, fakultet, kafedra, pedagog ma'lumotlari (telefon, el.pochta).

2. Fanning mazmuni:

- mazmuni, maqsadi va vazifalari va uni o'qish natijasida tinglovchi qanday natijalarga erisha olishi ko'rsatiladi;

- vazifalarga aniqlik kiritilib fanni o'rganish davomida tinglovchi yoki ta'lim oluvchi qanday bilimlarni egallashi, qanday ko'nikma va malakalarni o'zida shakllantirib olishi aniq ko'rsatilishi lozim.

3. Kursning prerekviziti - ya'ni ushbu kursni o'rganish uchun ta'lim oluvchi qanday bilim, ko'nikmalarga va malakaga ega bo'lishi lozimligi ko'rsatiladi.

4. Kursning postrekviziti - kurs davomida tinglovchi qanday malaka va ko'nikmalarni egallaydi va ular kelajakda qanday ahamiyatga ega ekanligi ko'rsatilishi lozim.

5. Fanga ajratilgan o'quv soatlarining o'quv turlari bo'yicha taqsimoti

- Reyting ballari
- Pedagog talablari.

- Kalendar-tematik reja.
- Konsultatsiyalar rejasi.
- Malakaviy ish (kurs ishi) mavzulari.
- Mustaqil ishlar va ularni bajarishga oid maslahatlar.

6. Fanni o‘zlashtirganlik darajasini aniqlash bo‘yicha reyting shkalasi.

7. Foydalaniladigan adabiyotlar ro‘yhati:

- Asosiy adabiyotlar: 3-5 ta asosiy darslik va o‘quv qo‘llanmalar
- Qo‘shimcha adabiyotlar ro‘yhati: 10-15 tagacha
- Internet manbalari.

8. Pedagog talablari.

Har bir fanni o‘ziga xos xususiyatlari bo‘lib, uni o‘rganish uchun ma’lum talablar tizimi mavjud. Pedagog ana shu talablar tizimini sillabusning mazkur qismida bayon etadi.

Sillabusni rasmiylashtirishga qo‘yiladigan texnik talablar

- ✓ sillabusning hajmi bosma matnda 3-4 betni tashkil etadi.
- ✓ shrift: times new roman.
- ✓ shrift hajmi: 14 (12) (o‘zbek va rus tillarida)
- ✓ qatorlararo interval: bir interval.
- ✓ sahifa parametrlari: yuqori, quyi, o‘ng va chap tomonlardan -2 sm.
varaqli raqamlash: varaqlining pastki qismida; o‘rtada